

نطق همايون صورتيدر

محترم اعيان و مبعوثان

دردنجي دوره اجتماعك رسم كشادنجي دخي اجرايه بي موفق ايدن جناب حقه حمد نامتاهي ايدر و اعضاي مجلسه بيان خوش آمدی ايلرم

مجلسك اوچنجي دوره اجتماعنده قبول و تصديق اولنان قوانينك موقع اجرايه وضعي و بو جمله دن اولمق اوزره و طنمرك پي درپي اعماري و معارف عموميه نك ترقيسي و اهاليمرك تزايد سعادت و ثروتنه لازم اولان تيمور يوللرله سائر طرق عموميه و خصوصيه دن استطاعت ماليه مزه كوره شمديلك ممكن اوله بيلنلرينك انشاسي و بعض محللرده تجارت ليمانلري تاسيس و منابع ثروتمرك احياسی خصوصلرنده ماضينك تسيات عديده و اهمالات مديده سنك پياي تلافيسي اسبابنه توسل ايدلمكده اولديني بر صروده ايتاليا حكومتي طرابلس غرب قطعه سنه تجاوز اچون تصور و تهيه ايتديكي اسبابي مطالب محقه شكل و صورتنه افراغ ايدرك بر اولتيماتوم ويرمش و حكومتتمز جانندن مدت معينه ظرفنده جواب اعطا اولنه رق ايتاليانك شايان اسعاف و معاهدات موجوده و سلطنت سنه مارك حقوق و حيثتي ايله ممكن التاليف مطالب اقتصاديه سنك نظر اعتباره آله جني تأمين و درحال مذكراته كيريشلمك اوزره مطالب مذكوره نه دن عبارت اولديني استيضاح ايدلمش ايكن جواباً و يرديك نوطه ده تأمينات و استيضاحات واقعه بي نظر اعتباره الميه رق حكومت عثمانيه يه اعلان حرب ايلشدر

حكومت مشارالها مخصصاته حتى كنديسنك تعين ايتديكي يكرمي درت ساعتك انقضاسندن اول ابتدار ايدوب بر طرفدن طرابلس غربه تعرض و ديكر طرفدن ده آدرياتيق سواحلنده كي سفان حربيه سنه تصادف ايدن و اعلان حربدن بالطبع خبردار اولمق قلري جهته دوست دولتر سفان حربيه سنه اجراسي قواعد بحريه دن اولان مراسم احتراميه بي ايفايه مسارعت ايله ين طور پيدولرمزي آنسزين اوزرلرينه آتش آچهرق تخريب ايله قواعد مرعيه بين المللي اخلال و ممالك عثمانيه نك آدرياتيق سواحلنده كائن بعض نقطه لريله طرابلس غرب و بنغازي قطعه لرينه و حريدن بي خبر اولان سفان حربيه و تجاريه عثمانيه يه تعرضاته دوام ايتديكندن مجلس عمومينك وقت معتاددن اول كشادينه لزوم كورلمشدر

حكومتتمز دول معظمه متحابه يه درحال مراجعتله قواعد دوليه يه و شعار حقانيته مخالف و صلح عمومي بي محافظه اچون هر طرفدن اظهار اولنان آمال خالصانه يه مابين اولان بو حربه حقوق مشروعه و مقدسه مز و شرف مليمنز ايله تاليفي قابل اوله جق بر صورتده نهايت ويرلمسي اچون

وساطت صلح پرورانہ لری طلب ایدلمش و دولتلردن آلتان جوابلر اوزرینہ دوام ایدلمکده اولان تشبثات سیاسیہ مصلحانہ نك نتیجہ سنہ انتظاراً حقوق و منافع مشروعه مزك مدافعه و محافظہ سی ایچون ایجاب ایدن توسلاتدن ده کیری طورولما مقده بولمشدر .

ایتالیانك حقوق مشروعه و حیثیت ملیہ مزہ مغایر اولان و بالجلہ اقوام متمدنیہ دوچار حیرت و تأثر ایدن تجاوزات نا کھانیسی بر طرفدن دولتلك نیت صلح پرورانہ سنہ بالاشترک ادامہ مسامت ایچون عہدہ سنہ ترتب ایدن وظائف مهمہ یی ایفایہ و دیگر طرفدن اصول مشروطیتك نغم عدالت کاری و ترقیات پروریسندن بالاستفاده تکملات مدنیہ سنی وقت و نقدك مساعده سی دائرہ سنہ استحصاله بذل مقدور ایله یں دولتلك اقدامات صلح پرورانہ و ترقی جویانہ سنی خللدار ایتشدر. حقوق و منافع مشروعه مزك محافظه و مدافعه سی خصوصندہ كرك حكومت مزله مجلس ملیمك كرك بالعموم اھالیمك عہدہ حیثیتلرینہ دوشن وظائف مهمہ یی قدرت بشریہ نك تعلق ایدیلدیکی درجہ ده حسن ایفایہ بذل غیرت ایلیہ جک لرندن مطمئنم

ملتكم ترقی و تعالیسی و وطنہ وقوع بولہ جق بوكی تجاوزاتك مدافعه سی ایچون لابدا اولان قوتلك اهم و اقدمی اتحاد اولدیغنی بیانہ حاجت یوقدر

بالجلہ عثمانیلر بیندہ اخوت و اتحاد تکمل ایتدجک فوائدی تراید و مملکتكم هر جهتدہ عامه نك حكومت مشروعه ییہ ارتباطی تضاعف ایدر مجلس عمومینك اوچنچی دورہ اجتماعیه سنی متعاقباً واقع اولان سیاحتمدہ قوصوه و مناسرت و سلانیک ولایتلرنده كوردیکم آثار اخوت عثمانیه و عناصر مختلفه دن اجتماع ایدن یوز بیکلرجه وطن پروران طرفدن كرك قوصوه مشهد مبارکنده كرك جهات سائرده اظهار اولنان مآثر ملیہ دن جدآ متحسس و مقتخر اولدم وطنك سعادت حالی ایچون اقدم و سائط اولان بواخوت و اتحادی مرتبہ کماله ایصاله بتون عثمانیلرك صرف مقدرت ایملری اخص آملدر

ھیئات مبعوثان و اعیانكم دخی كرك احوال حاضرہ ییہ متعلق مباحثاندہ كرك نظر تدقیق لری ییہ وضع اولنه جق لوائح قانونیه نك مذاکراتندہ حقیقی وجدی غایه لری هدف اتخاذ ایدرک و طنمك سلامت و سعادتتی تأمین ایدہ جك مقررات اتخاذ ایدہ جک لرندن امینم دیگر دول معظمه و حكومات مجاوره ایله اولان مناسباتكم كما كان دوستانه و خالصانه اولدیغنی مع الممنونیه بیان ایدرم حقوق غیره تجاوز ایتهمك و حقوقری محافظه ایلكدن عبارت اولان مسلکمزده ثابتر

مسلك خالصمزدن امید وار اولدیغ ترقیات و سعادتكم حصولی ایچون مصروف اوله جق همم عاقلانه و بصیرت کارانه كزده مظهر موفقیت اولمكزی جناب حقندن تمنی ایله مجلس عمومینك آچیلدیغنی بیان ایدرم